

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na prijedlog Ministarstva za pravosuđe i upravu, na nastavku 91. sjednice, održanom 13.12.2012. godine,
d o n o s i

ZAKLJUČAK

I

Prihvata se Informacija o kadrovskim i materijalnim potrebama Kantonalnog tužiteljstva Zeničko-dobojskog kantona Zenica.

II.

Zaključak stupa na snagu danom donošenja.

Broj: 02-_____/12.

Datum, 13.12.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za pravosuđe i upravu,
1x Kantonalno tužiteljstvo Zenica,
(putem Ministarstva za pravosuđe i upravu),
1x a/a.



I N F O R M A C I J A
O KADROVSKIM I MATERIJALNIM POTREBAMA KANTONALNOG
TUŽITELJSTVA ZENIČKO-DOBOJSKOG KANTONA ZENICA

Zenica, studeni 2012. godine

I. UVOD

Vijeće ministara Bosne i Hercegovine usvojilo je 29. prosinca 2008. godine Državnu Strategiju za rad na predmetima ratnih zločina (u daljem tekstu: Strategija). Osnovni razlog za usvajanje Strategije je bilo postojanje velikog broja neriješenih predmeta ratnih zločina čijem se rješavanju moralo pristupiti sistematski, kako bi se spriječila nekažnjivost i omogućilo procesuiranje svih ili barem najvećeg dijela počinitelja u realnom vremenskom periodu. Usvajanjem pomenute Strategije, Bosna i Hercegovina se opredijelila da zauzme efikasniji i sveobuhvatniji pristup problematici procesuiranja predmeta ratnih zločina.

Strategija je postavila pred sudove i tužiteljstva, kao i sve druge subjekte koji sudjeluju u procesuiranju predmeta ratnih zločina, konkretne ciljeve koji između ostalog podrazumjevaju da se najsloženiji i najprioritetniji predmeti ratnih zločina procesuiraju u roku od 7 godina, a ostali predmeti ratnih zločina u periodu od 15 godina od usvajanja Strategije.

S tim u vezi, Strategija predviđa funkcionalan mehanizam upravljanja predmetima ratnih zločina, odnosno njihovog prenosa sa Suda Bosne i Hercegovine i Tužilaštva Bosne i Hercegovine na nadležne sudove i tužilaštva u Federaciji Bosne i Hercegovine, Republici Srpskoj i Brčko distriktu Bosne i Hercegovine.

S obzirom da rokovi za realiziranje ovog strateškog cilja nisu bili u potpunosti ispoštovani, Nadzorno tijelo za praćenje implementacije Državne strategije za rad na predmetima ratnih zločina (u daljem tekstu „Nadzorno tijelo“), je u saradnji sa Sudom Bosne i Hercegovine i Tužilaštvom Bosne i Hercegovine uspostavilo bolje mehanizme u pogledu prenosa vođenja postupka u predmetima ratnih zločina u odnosu na prethodni period. Tako da je od listopada 2011. godine do 30. lipnja 2012. godine u značajnom broju predmeta ratnih zločina Tužiteljstvo Bosne i Hercegovine ustupilo vođenje postupka okružnim i kantonalnim tužiteljstvima, te Tužiteljstvu Brčko distrikta Bosne i Hercegovine.

Prenosom vođenja postupka u manje složenim predmetima ratnih zločina na pravosudne institucije u entitetima i Brčko distriktu Bosne i Hercegovine, omogućiti će se pravosudnim institucijama na razini Bosne i Hercegovine da u roku koji je propisan Strategijom okončaju rad na najsloženijim predmetima ratnih zločina.

Visoko sudsko i tužilačko vijeće Bosne i Hercegovine (u daljem tekstu "VSTVBiH"), na sjednici održanoj 6. i 7. prosinca 2011. godine, zadužilo je glavne entitetske tužitelje, kao i glavnog tužitelja Tužiteljstva Brčko distrikta Bosne i Hercegovine, da po ovlaštenju za vršenje nadzora utvrde i dostave VSTVBiH podatke o broju, stanju i strukturi svih predmeta ratnih zločina u svakom kantonalnom i okružnom tužiteljstvu, te Tužiteljstvu Brčko distrikta Bosne i Hercegovine, uključujući i podatke o predmetima ratnih zločina koje su navedena tužiteljstva dostavila Tužiteljstvu Bosne i Hercegovine radi procjene stepena njihove osjetljivosti, što su ista i učinila.

II. SADAŠNJE STANJE

Iz naprijed navedenih razloga Visoko sudbeno i tužiteljsko vijeće BiH (u daljem tekstu: VSTVBiH) je na osnovu dobivenih podataka, odnosno postojećeg broja predmeta ratnih zločina u kantonalnim i okružnim tužiteljstvima i broja ustupljenih predmeta od strane Tužiteljstva Bosne i Hercegovine, naročito u posljednjih pola godine, te obzirom na procjenu daljeg priliva predmeta ratnih zločina iz Tužiteljstva Bosne i Hercegovine u kantonalna i okružna tužiteljstva na osnovu prenosa vođenja postupka u manje složenim predmetima ratnih zločina, sačinilo detaljan elaborat sa planom kadrovskih i

materijalnih potreba u okružnim i kantonalnim tužiteljstvima, kako bi se Strategija implementirala u predviđenim rokovima. Elaborat je usvojen na sjednici VSTVBiH koja je održana 11. i 12. jula 2012.godine.

U nastavku Informacije je dat tabelarni prikazi statističkih podataka iz Elaborata sa planom kadrovskih i materijalnih potreba VSTVBiH a koji se odnosi na Kantonalno tužiteljstvo Zeničko-dobojskog kantona u Zenici i to: 1) prikaz predmeta ratnih zločina koji su 30. juna 2012.godine bili u radu u Kantonalnom tužiteljstvu Zeničko-dobojskog kantona (u daljem tekstu: Kantonalno tužiteljstvo Zenica), 2) prikaz predmeta ratnih zločina u kojima je nadležnost za vođenje postupka prenijeta sa Tužilaštva Bosne i Hercegovine na Kantonalno tužiteljstvo Zenica, 3) prikaz kadrovskih i materijalnih potreba u Kantonalnom tužiteljstvu Zenica za procesuiranje predmeta ratnih zločina u skladu sa rokovima propisanim Strategijom.

Tabela II 1:Tabelarni prikaz predmeta ratnih zločina koji su 30. juna 2012.godine bili u radu u Kantonalnom tužiteljstvu Zenica

Tužiteljstvo	KT- RZ ¹ predmeti	KTA - RZ ² predmeti	KTN - RZ ³ predmeti
Kantonalno tužiteljstvo Zenica	18	67	69

Tabela II 2:Tabelarni prikaz predmeta ratnih zločina u kojima je nadležnost za vođenje postupka prenijeta sa Tužilaštva Bosne i Hercegovine na Kantonalno tužiteljstvo Zenica

Federacija Bosne i Hercegovine	Broj prenijetih Kt predmeta
Kantonalno tužiteljstvo Zenica	17

Tabela II 3:Tabelarni prikaz kadrovskih i materijalnih potreba u tužilaštvima za procesuiranje predmeta ratnih zločina u skladu sa rokovima propisanim Strategijom

Tužiteljstvo	Tužitelji	Stručni saradnici / savjetnici	Istražitelji	Administrativno- tehničko osoblje	Sredstva potrebna za plaće i materijalne troškove (na godišnjoj razini)	Sredstva potrebna za opremu i zgrade (adaptacija, rekonstrukcija, dogradnja)
Kantonalna tužiteljstvo Zenica						
Zeničko-dobojski kanton	4	5	4	12	1.046.371	245.000

Podsjećamo da je Strategijom predviđena obaveza ministarstava pravde i ministarstava financija da, u saradnji sa VSTVBiH, osiguraju potrebna finansijska sredstva za ulaganje u materijalne i kadrovske kapacitete pravosudnih institucija za rad na predmetima ratnih zločina s ciljem poboljšanja efikasnosti u procesuiranju predmeta ratnih zločina u skladu sa vremenskim okvirima predviđenim Strategijom.

¹ Ratni zločin-punodobne osobe

² Ratni zločini-nepotpuni predmeti

³ Ratni zločini-protiv nepoznate osobe, prijavljeni nepoznat a oštećeni poznat

Pored potreba za efikasan rad za procesuiranje predmeta ratnih zločina sukladno rokovima propisanim Strategijom Kantonalno tužiteljstvo Zenica je također, svojim aktom broj: A-VII-154/12 od 25.6.2012. godine iskazalo kadrovske i materijalne potrebe kako bi mogli neometano raditi na navedenim predmetima, kao slijedi:

Tabela II. 1. 1: Tabelarni prikaz kadrovskih i materijalnih potreba u Kantonalnom tužiteljstvu Zenica za procesuiranje predmeta ratnih zločina u skladu sa potrebama po procjeni Kantonalnog tužiteljstva Zenica sukladno aktu, broj: A-VII-154/12 od 25.6.2012. godine

Tužiteljstvo	Tužitelji	Stručni saradnici / savjetnici	Istražitelji	Administrativno-tehničko osoblje / namještenika (i jedan vozač)	Sredstva potrebna za plaće i materijalne troškove (na godišnjoj razini)	Sredstva potrebna za opremu: nabavka terenskog vozila, službenog vozila, sredstva za audio-vizuelno snimanje, printer, računari (bez adaptacije zgrade adaptacija, rekonstrukcija, dogradnja)
Kantonalna tužilaštva Zenica						
Zeničko-dobojski kanton	4	10	-	12+1=13	786.121	141.000

imajući u vidu obaveze predviđene Strategijom i preporuke donijete u okviru Strukturalnog dijaloga, kao i iskazane potrebe Kantonalnog tužiteljstva Zenica i realne mogućnosti u Proračunu Zeničko-dobojskog kantona za 2013. godinu a kao neophodan minimum za funkcioniranje i rad Kantonalnog tužiteljstva Zenica predlažemo Vladi Zeničko-dobojskog kantona da razmotri minimalan broj novoupisanih i iznos potrebitih sredstava kao u tabeli:

Tužiteljstvo	Tužitelji	Stručni saradnici / savjetnici	Istražitelji	Administrativno-tehničko osoblje	Sredstva potrebna za plaće i materijalne troškove (na godišnjoj razini)	Sredstva potrebna za opremu i zgrade (adaptacija, rekonstrukcija, dogradnja)
Kantonalno tužiteljstvo Zenica						
Zeničko-dobojski kanton	2	5	-	5	412.185,00	-

te na kraju predlažemo da se donese:

III. ZAKLJUČAK

1. Za realiziranje gore iskazanih potreba Kantonalnom tužiteljstvu Zenica osiguravaju se neophodna dodatna finansijska sredstva u Proračunu kantona za 2013. godinu i to na pozicijama:

611100 - bruto plaće	284.155,00
611200 – naknade troškova zaposlenih	41.136,00

doprinos poslodavca	36.245,00
izdaci za materijal i usluge	50.649,00

a što ukupno iznosi 412.185,00 KM

a za potrebe kako je prikazano u tabeli:

Tužiteljstvo	Tužitelji	Stručni saradnici / savjetnici	Istražitelji	Administrativno-tehničko osoblje	Sredstva potrebna za plaće i materijalne troškove (na godišnjoj razini)	Sredstva potrebna za opremu i zgrade (adaptacija, rekonstrukcija, dogradnja)
Kantonalno tužiteljstvo Zenica						
Zeničko-dobojski kanton	2	5	-	5	412.185,00 KM	-

2. Zadužuje se Ministarstvo za pravosuđe i upravu Zeničko-dobojskog kantona da najkasnije do 30. prosinca 2012. godine o usvojenom zaključku obavijesti VSTVBiH.

Privitak:

- 1 x Elaborat o kadrovskim i materijalnim potrebama okružnih i kantonalnih tužiteljstava u kontekstu ostvarivanja rokova za okončanje procesuiranje predmeta ratnih zločina predviđenih Državnom strategijom za rad na predmetima ratnih zločina, dopis VSTV BiH, broj:06-07-2725/2012 od 25.7.2012.godine;
- 1 x Akt Kantonalnog tužiteljstva Zenica, broj:A-VII-154/12 od 25.6.2012. godine
- 1 x Zaključak Nadzornog tijela za praćenje provođenja Državne strategije za rad na Predmetima ratnih zločina, akt broj:01-50-203-32/12 od 15.11.2012. godine

Broj: 06/02- 1/12
Datum, 19.11.2012. godine
Z E N I C A

MINISTRICA

Romana Brkić, dipl. pravica